


# **Ilitsersuut**

Atuarfimmi naliliisarneq uppernarsaasiortarnerlu pillugit  
Namminersornerullutik Oqartussat nalunaarutaat nr. 2, 9. januar  
2009-meersoq pillugu



**Inerisaavik**  
**September 2009**

# Ilitsersuut

Atuarfimmi naliliisarneq uppernarsaasiortarnerlu pillugit Namminersornerullutik  
Qartussat nalunaarutaat nr. 2, 9. januar 2009-meersoq  
pillugu

<b>ILITSERSUUT .....</b>	<b>3</b>
<b>Aallaqqaasiut .....</b>	<b>3</b>
<b>Nalunaarutip imarisaa .....</b>	<b>4</b>
<b>Nalunaarut pillugu nalinginnaasut .....</b>	<b>5</b>
<b>Aalajangersakkanut ataasiakkaanut oqaaseqaatit .....</b>	<b>6</b>
Atuartitsinerup aaqqissorneqarnera .....	6
Iliusissatut pilersaarutit naliliinerlu (§ 8-10) .....	6
Atuarfiup, angerlarsimaffiup atuartullu akornanni attaveqaqtigiiinneq (§ 11-14).....	7
Uppernarsaasiineq (tak.: §§ 15 – 22).....	8
Nammineerluni sulianik saqqummiussineq, aalajangersimasumik sammisaqarluni suliaqarneq misilitsinnerillu (§ 24-35) .....	10
Allattariarsorluni misilitsinnerit.....	13
Alloriarfinni misilitsinerit ingerlanneqarnissaat .....	14
Allattariarsorluni misilitsinnginnissamut maleruagassat il.il.	15
Napparsimaneq il.il.....	15
Saniatigut nalunaarut: Paasissutissanik katersineq .....	16
Pilersarusiornermut atuartitsinermullu kingunissai .....	16
Naggasiut .....	17

## **ILITSER SUUT**

### **Aallaqqasiut**

Atuarfitsialak atuartitsinerup aaqqissuunneqarnissaanut naliliinermilu periutsinik nutaanik piumasaqaateqarpoq. Atuartut ilikkariartornerminnut atuarnerminnullu tunngatillugu anguniagassanut pilersaarutinullu taamaallaat peqataassanngillat, ilikkariartornertilli, ineriarternertik suliatillu pillugit nalilersuinermut naliliinermillu qitiulluinnarlutik peqataatinneqassapput.

Tunngaviusumik Atuarfitsialammi isumagineqarpoq, naliliineq tamarmi, atuarfimmi namminermi naliliisoqarpat imaluunniit avataaniit naliliinerit pineqarpata, atuartut ataasiakkaat ilikkariartornerisa ineriarternersalu tapersorsornissaannik siunertaqartinneqassasoq, aammalu ilinniartitsisut atuartitsinissaminut pilersaarusiornermanni atuartitsinerminnilu periusissaminnik tulluartunik qinersiniarneranni ikiutaassasoq, tassuunakkut atuartitsinertik siunnerfeqartilissagamikku atuartut ataasiakkaat pisariaqartitaannut pisinnaariigaannullu ikorfartuutaasumik. Atuartitsineq naliliinerillu siunerfeqartinneqassapput atuartullu ataasiakkaat ilikkariartornissamut piginnaasaannut tunngaviliisuussallutik, taamaalillutik atuartut tamarmik atuarternertik pissaganartutut, unamminartutut imaqrnerusutullu misigniassammassuk.

Taamaattumik nalunaarut atuartut ataasiakkaat ilikkariartornermikkut piginnaasaasa ineriarternersalu nalilersortarnissaat pingarnerutillugit suliarineqarpoq; aappaattullu ilisimatusarnermi, misissueqqissaarnermi kiisalu sumiiffinni ataasiakkaani qitiusumiillu ineriarternitsinermi siunniussanut sakkussatut atorniarneqarluni. Neriuutigineqarpoq nalunaarut atuartut, ilinniartitsisut angajoqqaallu akunnerminni atuartup atuarnerera atuarnerminilu pissarsiai pillugit oqaloqatigiinnerulernissamut ammanerulernissamullu siuarsataajumaartoq, taakkuttaaq saniatigut aamma atuarfimmut attuumassuteqartut soqutiginnittullu akornanni.

Nalunaarutip siunertaraa, atuarfiit naliliineq uppernarsaasisarnerlu iluaqtigalugit atuartitsinerup ineriarterninneqarnissaanut suliniuteqarnerulernissaat, tassuunakkut:

- atuartut ilikkariartornerat atuartitsinermillu pissarsiaat pitsangorsarniarneqassammata, pissutsit atuartitsinerup iluaniittut avataaniittullu atuartut ineriarternersannut ilikkariartornerannullu sunniuteqartut nakimaatsumik siunertaqartumillu nalilersorlugillu naliliiffigisarnerisigut,
- atuartut ataasiakkaat atuaqtigiliaallu nakuuffii pisariaqartitaallu sammineqassammata,
- atuartut ataasiakkaat pisariaqartitaat aallaavigineqassammata,
- atuartut peqataatinneqassammata, aamma namminneq ilikkariartornerminnut sunniuteqaaqataanissamut perarfissineqassammata ilaatigut atuartut ataasiakkaat anguniagassiornerisigut iliuusissatullu pilersaarusiortarnerisigut,
- ilikkagassatut anguniagassat ersarissut piumasaqaatillu ersarissut tunngavagineqarsinnaammata atuartut sanngiiffi pinerunagit nukittuffiili qitiutillugit,
- pissutsit uppernarsarneqarsimasut tunngavagineqassammata aammalu atuartunut naatsorsutigisat piumasaqaatillu tunngavigalugit pilersaarusiortoqarsimassamat aaqqissuussisoqarsimassallunilu.

Tamakkualuuna anersaalarugit alloriarfinni naliliinerit ilinniartitsisut nalilersuinerinut naliliisarnerinullu tapertatut eqqunneqarnissaat kissaatigineqartoq. Atuarfik pillugu peqqussut malillugu (§ 18. imm.3) atuartut nukarliit akulliillu atuarfianni naammassineranni atuartitsinermi pissarsiaat ataatsimut nalilersorneqartassapput. Nalilersuineq atuartut ataasiakkaat atuarfimmi ingerlaqqinnissaasa pilersaarusiornissaat eqqarsaatigalugu ingerlanneqartussaavoq atuartullu atuartitsissutini atuartitsissutinilu qanitariissuni tamani ilikkagassatut anguniagassanut tunngatillugu qanoq qanorlu annertutigisumik piumasaqaatitigut naammassinnissimanerinik nalilersuutaassalluni. Alloriarfii naammassinerini atuartut angajoqqaallu nalunaarusiamik, ilassutaasumik oqaaseqaammik il.il. tunineqartassapput, naliliinerit uku tunngavigalugit:

- ingerlaavartumik naliliinerit tunngavigalugit ilinniartitsisup nalilersuineri,
- 3. klassimi atuartup nammineerluni suliaminik saqqummiussinera,
- 7. klassimi aaliangersimasumik sammisaqarluni suliaq, kiisalu
- 3. aamma 7. klassimi alloriarfinni misilitsitsinerit.

Alloriarfinni nalilersuinerit atuartut ataasiakkaat siunissamut ineriartornissaannut tikkuussisuussapput ilikkariartornermilu paarlakaattumik anguniagassanik suliaqarfiusumi – anguniagassat immikkoortunut agguarnerisigut – iliuusissatut pilersaarusiornikkut – atuartitsinikkut - nalilersuinikkut atuartunullu ataasiakkaanut ilikkagassatut anguniagassiorfiusumi akuutinneqassallutik. Ataatsimut nalilersuinissaq salliutillugu siunertaavoq, atuartup killiffimmini ineriartornissaminut periarfissaanik ilikkariartornissamullu piginnaasaanik naammaginartumik takutitsisinnaasoq, taamaallutik ineriartornerminni killiffigilikaminni tulluartumik naleqquatumillu atuartinneqarsinnaaqquillugit.

Alloriarfii naammassinerini ilinniartitsisut ataatsimut nalilersuineri ukiup affakuutaartumik angerlarsimaffinnut nalunaaruteqartarnerit taamaaqqataannik, makkuninnga uppernarsaateqartinneqartassapput:

- a. Nalunaarusiaq, taamaallaat ilinniartitsisup atuartup ilikkagassatut anguniagassanik qanoq angusaqarsimatigineranik nalilersuineranik imaqartussaq,
- b. ilassutaasumik oqaaseqaatit, ilinniartitsisup atuartup atuarfimmi sulineranik, inuttut inooqataanikkullu inerikkiartorneranik aamma atuarfimmi inooqatigiinnermut peqataaneranik nalilersuineranik imallit,
- c. atuartitsinerup ingerlanneqarneranik paassisutissat, kiisalu
- d. atuartup atuariartortarsimaneranut paassisutissat.

## Nalunaarutip imarisaa

Nalunaarutip imarisaa qulequtanut pingarnernut arfinilinnut immikkoortulerlugu eqikkarneqarsinnaavoq:

1. **Atuartitsinerup aaqqissuunneqarnera** peqqussut malillugu ingerlatiinnarneqassaaq tak. § 17, imm. 1-3, Inatsisartut atuarfik pillugu peqqussutaanni nr. 8, 21. maj 2002-meersoq.
2. **Atuarfii naaminneq naliliineri**, atuarfii naaminneq isumagisassaat tassaapput:
  - a. atuartut anguniagassat iliuusissatullu pilersaarusiati,
  - b. ingerlaavartumik naliliinerit,
  - c. *3. klassimi nammineerluni sulianik saqqummiussinerit aamma*
  - d. *7. klassimi aaliangersimasumik sammisaqarluni suliaq.*

3. **Avataaniit naliliineq**, KIIIN sinnerlugu Ilinniaatsinut institutip - Inerisaaviup naliliinermi imarisassat aalajangersartassavai, ukunannga imaqartoq:
  - a. 3. klassimi allattariarsorluni alloriarfimmi misilitsinnerit kalaallisoornermi, qallunaatoornermi aamma matematikkimi,
  - b. 7. klassimi allattariarsorluni alloriarfimmi misilitsinnerit kalaallisoornermi, qallunaatoornermi, tuluttoornermi aamma matematikkimi, kiisalu
  - c. atuartitsissummi allami ataatsimi alloriarfimmi misilitsinnissamut periarfissaqarpoq.
4. **Uppernarsaasiisarneq atuartumut aamma angajoqqaanut** (Angusakka) ukunannga imaqartinneqartoq:
  - a. nalunaarusiaq,
  - b. atuartup atuarfimmi sulineranik, inuttut inooqataanikkullu inerikkiartorneranik aamma atuarfimmi inooqatigiinnermut peqataaneranik ilassutaasumik oqaaseqaatit,
  - c. atuartitsinerup ingerlanneqarneranik paassisutissat aamma atuartup atuarnermini peqataanera aamma
  - d. angajulliit atuarfianni angusat tunngavigalugit karakteerit.
5. **Atuarfiup angerlarsimaffiullu akornanni attaveqaqatigiinneq** pillugu ukuusut:
  - a. angajoqqaanik ataatsimiitsinerit,
  - b. atuarfiup angerlarsimaffiullu akornanni oqaloqatigiinnerit,
  - c. il.il.
6. **Angusat pillugit paassisutissanik katersineq**, perorsaanermi ilisimatusarnermik inerisanermillu suliaqarnissaq eqqarsaatigalugu.

## Nalunaarut pillugu nalinginnaasut

Nalunaarut qulequtanut ima immikkoortortalersugaavoq:

- **Kapitali 1: Atuartitsinerup aaqqissorneqarnera nassuaatillu.** Kapitalip uuma, soorlu nalunaarummi siullermi taamaareertoq, peqqussutip aalajangersagartai imarivai, tassa atuartitsineq aaqqissorneqartassasoq atuartitsissutini ataasiakkaani atuartitsissutillu qanitariissut siunertaat tunngavigalugit. (tak. § 17. imm. 1-3). Taaguutit nassuiarneqarneri, siornatigut aalajangersakkani ataasiakkaani toqqaannartumik allaqqanngikkarluartut, siuartillugit nuunneqarput, aammalu nassuaammut "atuartitsissutit siunertaat" aamma "ilikkagassatut anguniagassat" ilanngunneqarput, alloriarfiiit siunertaat, atuartitsissutit siunertaat ilikkagassatullu anguniagassat pillugit nalunaarummit tigusaallutik.
- **Kapitali 2: Iliusissatut pilersarusiat naliliinerlu.** Aalajangersakkat, siornatigut kapitalini assiginngitsuni inisisimagaluartut, allanngortinneqaratik atuartut anguniagassaliortarnissaannut iliussissatullu pilersarusiortarnissaannut aamma atuartut atuarnerminni pissarsiaanik ilinniartitsisup ingerlaavartumik naliliineranut tunngassuteqarput.
- **Kapitali 3: Atuarfiup, angerlarsimaffiup atuartullu akornanni attaveqaqatigiinneq.** Kapitalimi uani aalajangersakkat allannguuuteqaratik, angerlarsimaffimmut attaveqarnerup qanoq ingerlanneqartarnissaanik imaqarput. Nalunaarusiornissaq, angusat tunngavigalugit karakteeriliinerit il.il. piffissami qaqgu pisassanersut ersarissarneqarpoq.
- **Kapitali 4: Uppernarsaasiineq.** Atuartup atuartitsinermik pissarsineranut suli uku tunngavigalugit upternarsaasiisoqartassaaq: **nalunaarusiaq, atuartitsinerup ingerlanneqarneranik paassisutissat, ilassutaasumik oqaaseqaatit aamma angajulliit atuarfianni angusat tunngavigalugit karakteerit.** 3. klassimi nalunaarusiap suliarineqarneranut atugassamik atuartut kalaallisut, qallunaatut matematikkimilu allattariarsorlutik misilitsissapput aamma atuartitsissutini atuartitsissutinilu qanitariissuni,

allattariarsorluni misilitsiffiunngitsuni sumiiffinnilu ataasiakkaani toqqagassani sammisami ataatsimi, atuartup nammineq aalajangigaani, nammineq suliaminnik saqqummiussissapput. Akullit atuarfianni atuartut allattariarsorlutik kalaallisut, qallunaatut, tuluttut matematikkimilu misilitsissapput aamma atuartitsissutit assigiinngitsut kattullugit aalajangersimasumik sammisaqlutik suliaqassapput saqqummiutissalugulu.

- **Kapitali 5: Angusat tunngavigalugit karakteerit.** Karakterkala nutaaq, Greenlandic Grading System atorneqarpoq, GGS-skala.
- **Kapitali 6: Nammineerluni sulianik saqqummiussineq, misilitsinnerit, aalajangersimasumik sammisaqlutik suliaq il.il.** Uani kapitalimi aalajangersakkat nutaajupput qulaanilu taaneqartuni peqataanissaq ingerlatsinissarlu pillugit aalajangersakkat imarivai. Immikkoortoq kingusinnerusukkut itisilerneqassaaq.
- **Kapitali 7: Napparsimaneq il.il.** Aalajangersakkap imarivaa misilitsinsineri, nammineq sulianik saqqummiussineri aalajangersimasillu sammisaqluni suliaqarnerup nalaani atuartoq napparsimassappat il.il. atuarfiiit qanoq periuseqarnissaannik.
- **Kapitali 8: Nalunaarusiat il.il. toqqortarineqarnerat**
- **Kapitali 9: Atuutilersitsineq.** Nalunaarut 1. august 2009 atuutilerpoq.

## Aalajangersakkanut ataasiakkaanut oqaaseqaatit:

### **Atuartitsinerup aaqqissorneqarnera (§ 1)**

Atuartitsineq tassunga ilanngullugu atuartut atuarnerminni pissarsiaannik naliliineq alloriarfinni pingasuni qitiusumit ilikkagassatut anguniagassat aalajangersarneqarsimasut tunngavigalugit ingerlanneqassaaq (§ 1, imm. 1-3). Atuartuni ukiup atuarfiusup naammassinerani ilikkagassatut anguniagassanik aalajangersaavagineqarsimanngitsuni, ilinniartitsisup atuartut peqatigalugit atuartitsinissamut, alloriarfiit naammassinerini ilikkagassatut anguniagassat ilaat suliarissavai. Ilkkagassatut anguniagassat ilaat ilikkagassatut anguniagassat aallaavigalugit suliarineqassapput imalu aaqqissuunneqassallutik, atuartumut alloriarfiup naammassineranut ilikkagassatut anguniagassat anguniarnissaannut tapersersuutaassallutik.

### **Iliusissatut pilersaarutit naliliinerlu (§ 8-10)**

Atuartitsinermut ilikkagassatut anguniagassat/ ilikkagassatut anguniagassat ilaat tunngavigalugit atuartoq ilinniartitsisuni peqatigalugit atuartitsissutini atuartitsissutinilu qanitariissuni tamani anguniagassiorressaaq (§ 8). Siunnersutigineqassaaq, ilikkagassatut anguniagassat ilaat atuartullu namminneq anguniagaat ersarissumik piviusorsiorrumillu suliarineqartarnissaat, atuartut namminneq qanoq qanorlu annertutigisumik anguniagassatut siunniussatik angusimanerlugit nalilersuisinnaaqquullugit.

Atuartut ukiumut ikinnerpaamik marloriarlutik iliussissaminnik pilersaarutiortassapput, (Angusakka ark 5, 5a imaluunniit 5b). Ingerlaavartumik naliliinissamut pitsaanerpassaaq, piffissamut sivikinnerusumut siunnerfeqarluni ilikkagassatut anguniagassat ilaannat tunngavigalugit suliaqaraanni, soorlu annikinnerusunik aalajangersimasumik qulequtaliilluni sammisaqlarneri, suliassiissutnik, suliniutinik il.il. suliaqarneri, atuartut taamaalillutik anguniagassatut siunniussatik pilersaarutaasut angusimanerlugit nalilersoruminartinnerussamatigit, (Angusakka ark 1 piffissamut killilimmuit anguniagassiornermut atorneqartussatut takorluugaavoq.) Atuartup iliussissatut pilersaarutai

atuarfiup angerlarsimaffiullu oqaloqatigiinnissaat sioqqullugu suliarineqartassapput angerlaanneqartassallutillu. Angajoqqaat atuarfiup angerlarsimaffiullu oqaloqatigiinneranni anguniagassanik ilaagitut allanik ilassuteqarsinnaapput aammalu anguniagassatut siunniussaasut anguneqarnissaannut qanoq tapersersuisinnaanerlutik siunnersuuteqarsinnaallutik. Atuartitsineq ima aaqqissuunneqassaaq, atuartut anguniagassaat salliuinneqarsinnaalersillugit. Angajulliit atuarfianni atuartup siunissami ilinnigarilerumaagassatut isumaliuutai iliuusissatut pilersaarutaannut ilanngunneqassapput, taamaalilluni ilinniarfiit ilinnialertussanut piumasaqaataat naatsorsuutigisaallu atuartup piviusorsiortumik takorloorsinnaalersinnaassammagit, taamaaliornerminilu ingerlatani suliaqarninilu siunnerfeqartilissallugit.

Ingerlaavartumik nalilersuineq tassaavoq atuartup ilikkariartnermini piginnaassutsiminik takutitsineranik aaqqissuussaasumik paassisutissanik katersineq (§§ 9-10). Sulinermik ingerlatsinermik angusanillu nalilersuineruvoq, aamma suleriaatsit assigiinngitsut tassani ilanngunneqarput: ilinniartitsisup misissuineraniit atuartup nammineq angusaminik nalilersuineranut. (Takuuk: Atuartut angusaannik nalilersuineq. Inerisaavik 2005). Ilinniartitsisup ingerlaavartumik nalilinera atuartut namminneq nalilersuinerannit tunngaveqartassaaq. Atuartut namminneq imminut nalilersuinerat ingerlaavartuuvoq, atuartup imminut atuartutut ilinniarnissaa siunertaralugu. Atuartut:

- namminneq naamassisinnaasatik, suliatik, angusatik, isummatik ilikkariartornitillu pillugit isumaliuuteqalersissavai,
- sulinermanni qanoq iliornertiik maluginiarsinnaalissavaat aquassinnaalissallugulu,
- namminneq suliamik pitsaassusaat ilisimasatillu nalilersorsinnaalissavaat,
- imminut tunngassuteqartunik piviusorsiortumik anguniagassiorsinnaalissapput aamma
- qanoq anguniassanerlugit pilersarusiorsinnaalissapput. (Takuuk.: Atuartup nammineq imminut nalilersornera/naliliiffiginera. Inerisaavik 2005)

Ilinniartitsisup ingerlaavartumik nalilersuinini nalunaarusiornermini ilassutaasumillu oqaaseqaasiornermi tunngavigissavai.

## ***Atuarfiup, angerlarsimaffiup atuartullu akornanni attaveqaqatigiinneq (§ 11-14)***

Nalunaarusiaq, ilassutaasumik oqaaseqaatit il.il. piffissami novebarimi/decembarimi aamma maajimi/juunimi suliarineqartarnissaat. 10. klassit eqqarsaatigalugit piffissat ukuupput novembari/decembari aamma aprili/maaji.

Atuarfiup angerlarsimaffiullu akornanni attaveqaqatigiinneq makku aqqutigalugit isumagineqassaaq:

- 1) atuarfiup angerlasimaffiullu akornanni oqaloqatigiinnerit atuartumit peqataaffigineqartumik minnerpaamik ukiumut marloriarluni ingerlanneqartassapput,
- 2) ukiup atuarfiusup aallartinnerani atuaqatigiit angajoqqaavinik minnerpaamik ataasiarluni ataatsimiititsisoqartassaaq,
- 3) nalunaarusiat, atuartitsinerup ingerlanneqarneranik paassisutissat, ilassutaasumik oqaaseqaatit angusallu tunngavigalugit karakteerit pillugit minnerpaamik ukiumut marloriarluni angerlarsimaffimmut allakkatigut nalunaaruteqartoqartassaaq aamma

4) angajoqqaat piumasaqareernerisigut akuersereernerisigulluunniit angerlarsimaffimmut pulaarnerit.

Atuartup ilikkariartornera qitiutillugu atuarfiup angerlarsimaffiullu akornanni oqaloqatigiinnerit tunngaveqartariaqarput, atuartup angajoqqaani ilinniartitsisunilu peqatigalugit nammineq ilikkariartornernini pillugu allaaserisaqarnissaminut eqqarsaatiginninnissaminullu peqataatinneqartarnissaanik. Atuarfitsialak nutaamik ataatsimeeriaaseqalernissamik siunertaqarpoq, siornatigutut angajoqqaanik ataatsimiitsisarnermit oqaloqatiginnittarnermillu allaanerussuteqartumik, siornatigummi angajoqqaat ilinniartitsisullu atuartup atuarnera pillugu kisimik oqaloqatigiissutigisarpaat. Atuartup ilikkariartornera qitiutillugu ataatsimiitsineq immikkullarissutut isigineqassanngilaq, kisiannili atuartitsinerup ilaatut isigineqassaaq. Inerisaavik atuarfiup angajoqqaallu akornanni attaveqaqtiginnerit qanoq ingerlanneqarsinnaanersut ilitsersuusiornikuuvooq (takuuk: Atuartoq qitiutillugu ataatsimiitsineq. Inerisaavik 2005, aamma Portfolio atorlugu nalilersuineq. Inerisaavik 2005).

### **Uppernarsaasiineq (tak.: §§ 15 – 22)**

Atuartup atuartitsinermik pissarsineranut uppernarsaasiinermi ilinniartitsisuisa nalilersueriaatsit makkua suli atussavaat:

- 1) nalunaarusiaq,
- 2) atuartitsinerup ingerlanneqarneranik paasissutissat,
- 3) ilassutaasumik oqaaseqaatit aamma
- 4) angajulliit atuarfianni angusat tunngavigalugit karakteerit.

**Ad. 1. Ilinniartitsisut atuartup atuartitsinermik pissarsiaasa nalunaarusiorneranni alloriarfimmi ilikkagassatut anguniagassat imaluunniit piffissamat anguniagassatut siunniussimasat** tunngavigalugit nalunaarusiortassapput. Ilinniartitsisut amerlasuut nalunaarusiaq allat pillugit suli atortarpaat, soorlu; atuartut pissusaat, sulinerminni aallussinerat, soqtiginninnerat, inerisimassusaat il.il. atuartitsissutaasuni ilikkagassatut anguniagassat tunngavigalugit nalunaarusioratik. Nalunaarusiaq **imarisussaavaa** atuartup ilikkagassatut anguniagassatut siunniussimasanik qanoq qanorlu annertutigisumik angusai annertutiginersut pillugit ilinniartitsisup nalilersuinera. Nalunaarusiaq sapinngisamik oqaatsinik pitsaasunik siumullu sammisunik oqaasertalersorneqassaaq. Aammattaaq nalunaarusiaq, atuartitsissummi atuartup piffissami tulliuttumi suut sammissallugit pisariaqartitaanik imaluunniit suut sammissallugit tulluartuutitaanik siunnersuutinik imaqartinneqassaaq. Oqaaseqaasiaq taamaalluni atuartup iliuusissatut siunissami pilersaarusrornerani ilanngussinnaassaaq. Nalunaarusiaq ingerlaavartumik naliliinerit tunngavigissavai, tassani ilinniartitsisoq ingerlaavartumik atuartorlu suleqatigalugu atuartup ilikkariartorneranik pissarsiaqartarneranillu isumaliuiteqartarmat.

Alloriarfiup naammassinerani nalunaarusiornissamat tapertassatut atuartitsinermut atatillugu atuartut 3. klassimi 7. klassimalu allattariarsorlutik misilitsittassapput, 3. klassimi nammineq suliaminnik saqqummiussisassapput kiisalu 7. klassimi aalajangersimasumik sammisaqarlutik suliaqartassapput saqqummiussisassallutillu (taakkua kinguliani allaaserineqarput). Angusakka ark 3 nalunaarusiornermi atorneqassaaq.,

**Ad. 2. Atuarfiit atuartitsineq pilersaarutaasut malillugit ingerlanneqarsimanersoq paasisuttissiissutigisassavaat. Paasisuttissiissutit ilaatigut atuartup atuarnerata nalilersornissaanut atuartumut angajoqqaanullu tapertaassaaq – tassunga ilanngullugit atuartup atuarnerminik pissarsisimanera, soorluttaaq aamma atuartup atuarnerminik ingerlatseqqinnissaata**

pilerausiorissaanut atorneqarsinnaasut. Atuartitsinerup ingerlanneqarneranik paasissutissat makkuninnga imaqassapput:

1. piffissami pineqartumi akunnerit atuartitsiviusussatut pilersaarutaasut amerlassusaat,
2. piffissami pineqartumi akunnerit atuartitsiviusimasut amerlassusaat, aamma
3. atuartup atuariartortarsimaneranut paasissutissat.

**Akunnerit atuartitsiviusussatut pilersaarutaasut** pillugit paasissutissiinermi, akunnerit atuartitsiviusut (min. 60 atorlugit naatsorsuinerit) **tamakkerluginit**, atuartumut piffissamut pilersaarutaasut nalunaarneqassapput. Tassunga naatsorsuinermi ilanngunneqassapput eqimattat/atuqaqtigii avillugit atuartitat aamma avinnagit atuartitat, immikkut ittumik atuartitsinerit aamma naammattusaammik atuartitsinerit aamma ataatsimut aaqqissuussaasunik sammisaqartitsinerit, soorlu timersortitsinerit il.il.

**Akunnerit atuartitsiviusimasut amerlassusaat** pillugit akunnerit pilersaarutaasutut atuartitsiviusimasut (min. 60 atorlugit naatsorsuinerit) tamakkerluginit nalunaarneqassapput.

Atuartitsiviusimanngitsutut oqaatigineqartut tassaapput:

- akunnerit atuartitsiviusimanngitsut ilinniartitsisup peqannginnera patsisaalluni atuartorlu akunnerni atuartinneqarsimanngippat,
- akunnerit atuartitsiviusut aalajangersimasuuunngitsumik taarteqarluni ingerlanneqarsimasut, atuartut nakkutigineqarnissaat pinerullugu atuartitsinerusimappat – tessunga ilanngullugit pinnguartitsiinnarnerit pissuttuartitsiinnarnerillu. Akunnerni taamaattut, soorlu pilersaarutaariinngitsumik pinnguartitsinerit pissuttuartitsinerit il.il., ilikkagassatut anguniagassat tunngavigalugit, atuartut ataasiakkaat anguniagaat iliuusissatullu pilersaarutaat tunngavigalugit atuartitsinerunngillat.

Atuartup atuariartortarsimaneranut paasissutissani akunnerit atuartup peqquteqarluni/peqquqteqarani atuarsimanngineri nalunaarsorneqassapput.

Atuariartortarsimanermut tunngassuteqartut Angusakka ark. 3-mi nalunaarneqassapput.

**Ad. 3.** Illassutaasumik oqaaseqaatit ilinniartitsisup atuartup atuarfimmi sulineranik, inuttut inooqataanikkullu inerikkiartorneranik aamma atuarfimmi inooqatigiinnermut peqataaneranik nalilersuineratut paasineqassapput. Nalilersuinermi ilaatigut makku ilanngunneqarsinnaapput:

- atuarnermini soqtiginninnera,
- ukkassisinnaanera itisilerisinnaassusaalu,
- sulerusussuseqarnera,
- akisussaassuseqarnera,
- atuarfimmi tiiminilu qanoq innera,
- atuaqatiminik ilinniartitsisuminillu suleqateqarnera,
- nammineersinnaassuseqarnera,
- nukittuffi,
- angerarluni suliassanut atuarfimmilu tunniussassanut eqqortitsinera,
- tiimini anitsiarfinnilu pissusilsortarnera,
- isumassarsiullaqqissusaa,
- il.il.

Klasselærerip ilassutaasumik oqaaseqaammik suliaqarnermini atuartup imminut nalilersornera tapertatut atorsinnaavaa, ilaatigut Angusakkami ark 4 atorlugu. Siunnersuutigineqassaarlu nalunaarusiornermi periususoq malillugu, atuartup ilinniartitsisui suleqatigiillutik ilassutaasumik oqaaseqaasiornermanni atuartup atuarnermini piffissami tulliuttumut 'isigisumik', atuartut piginnaasai tunngavigalugit piginnaanngisai sallutinnagit oqaaseqaasiortassasut. Ilassutaasumik oqaaseqaasiornermi Angusakkami ark 2 atorneqarsinnaavoq. Oqaatigineqassaarli ark 2 atuarfiup iluani taamaallaat atortussatut naatsorsuussaammat klasselærerillu, Angusakkami ark 3-mi, ilassutaasumik oqaaseqaasiornissamut atugassaralugu. Ark 2 angajoqqaanut nassiunneqassanngilaq.

**Ad 4.** Nalunaarusiap, atuartitsinerup ingerlanneqarneranik paassisutissat ilassutaasumillu oqaaseqaatit saniatigut atuartut angajullit atuarfianni (8. – 10. kl.) GGS-skala atorlugu angusat tunngavigalugit karakteerilerneqartassapput. Angusat tunngavigalugit karakteeriliinerit atuartup atuartitsissutini ilikkagassatut anguniagassanut naleqqiullugit piginnaasaanik nalilersuinerupput. 8. aamma 9. klassimi angusat tunngavigalugit karakteeriliinerit ilikkagassatut anguniagassat immikkoortuinut, ilinniartitsisut atuartullu ataatsimoorlutik aalajangersarsimasaannut, naleqqiullugit nalilersuinerussapput. Pingaaruteqarluinnarpoq atuartut ilikkagassatut anguniagassani/ilikkagassatut anguniagassat immikkoortuinut piumasaqaatit taamaallaat ilisimassanngikkaat, aammattaarli anguniagassat qanoq qaqpugulu anguneqassanersut peqatigalugit oqallisigineqartariaqarput.

10. klassimi nalilersuinerit kingullit (nalunaarusiaq angusallu tunngavigalugit karakteerit) atuartup ilikkagassatut anguniagassat tamakkerlugit qanoq qanorlu annertutigisumik angusimanerai alloriarfimmi ilikkagassatut anguniagassanut naleqqiullugit nalilersuinerussapput.

### ***Nammineerluni sulianik saqqummiussineq, aalajangersimasumik sammisaqarluni suliaqarneq misilitsinnerillu (§ 24-35)***

Alloriarfimmi naammassinerani ataatsimut nalilersuilluni nalunaarusiorningissamut atugassamik ilinniartitsisup ingerlaavartumik nalilersuinerata saniatigut maanna atuartut 3. klassimi nammineerlutik suliaminnik saqqummiussissapput, 7. klassimi atuartut aalajangersimasumik sammisaqarlutik suliaqassapput aamma atuartut 3. aamma 7. klassimi allattariarsorlutik misilitsissapput.

#### ***Nammineerluni sulianik saqqummiussineq***

3. klassimi atuartoq atuartitsissutini atuartitsissutinilu qanitariissuni, allattariarsorluni misilitsissiffiunngitsuni sumiiffinnilu ataasiakkaani toqqagassani sammisami ataatsimi, atuartup nammineq aaliangigaani, nammineerluni suliamnik saqqummiussissaq.

Nammineerluni suliamik saqqummiussinerup takutissavaa atuartup:

- 1) atuartitsissummi atuartitsissutiniluunniit qanitariissuni ilikkagassatut anguniagassanut toqqakkanut tunngatillugu angusimasai kiisalu
- 2) suliaminut tunniussimassusaa ilikkagassatigullu ineriartornera.

Nammineerluni suliamik saqqummiussineq (imaluunniit portfolio) atorlugu nalilersuineq atuartut suliaannik toqqartuinissamut assersuutinillu katersinissamut sakkuusinnaavoq atuartut ilisimasaat

ilikkariartornerallu pillugit naliliinissaamik siunertaqartoq. Periuseq atussagaanni atuartut sulianik toqqartuinermi suut nalilersorneqassanersut (ilikkagassatut) anguniagassat suut anguniarneqassanersut pillugit aaliangersaanermi peqataatinneqartariaqarput.

Nammineq sulianik saqqummiussineq ukiumi atuarfiusumi atuartut suliaannik, siuariaataannik angusaannillu naleqquttumik takutitsisumik katersanit tunngaveqassaaq. Taamaattumik atuarnerup aallartinneraniit portfolio sunaanersoq atuartunut saqqummiunneqassaaq, atuartut sanaatik aaliangersimasut takussutissiallu kisiisa ineriarneri pinnagit, kisiannili aamma atuaqatiminntuut angajoqqaaminnullu namminneq suliaminnik saqqummiussinerit ilanngullugit sungiussinnaaniassamatigit. (tak.: Portfolio atorlugu nalilersuineq. Inerisaavik 2005)

Alloriarfiup/atuaqatigiit ilinniartitsisuisa atuartut suleqatigalugit, nammineq sulianik saqqummiussinissaq qanoq iluseqassanersoq aalajangissavaat – tassunga ilanngullugit suut kikkunnut saqqummiunneqassanersut. Atuarfiit ilaasa atuartitsissutit kattullugit nammineq suliat saqqummiussinnaavaat, allat atuartitsissutini ataasiakkaani atuartitsinerup ilaatut saqqummiussineq ingerlassinnaavaat. Allat atuartitsineq ualimut nuullugu, angajoqqaat saqqummiussinissamut aggersarlugit, saqqummiussisinnaapput.

Suliamik saqqummiussinerit tassaasinnaapput:

- Titartakkat, suliat,
- Allatat, nalunaarusiat,
- Logbogit,
- Eqqaamassutissatut allattukkat,
- Allattaaviit sulianik imaqartut,
- Assit, immiussat
- Il.il.

3. klassimi nammineq sulianik saqqummiussineq, ulluinnarni atuartitsinermut ilaatillugu, piffissami marsi-majimi ingerlanneqassaaq.

### **7. klassimi aalajangersimasumik sammisaqarluni suliaqarneq saqqummiussinerlu**

Atuarfik pillugu peqqussummi aalajangersakkat malillugit (§ 9, imm. 4) alloriarfinni pingasuusuni tamani atuartitsissutit akimorlugit, aalajangersimasumik sammisaqarluni suliaqarneq suliniummillu suliaqarnermi kiisalu atuartut pissarsiaat ataatsimut nalilersornerinut ilanngullugu akullerni atuartut alloriarfiup naammassinerani aalajangersimasumik sammisaqarlutik suliaqassapput saqqummiussissallutillu. Aalajangersimasumik sammisaqarluni suliaqarnermi suleriaatsit ilinniarnerisa saniatigut – suliniummik suliaqarnermi suleriaaseq aamma eqqarsaatigalugu – aamma siunertaavoq atuartut uku ilaatigut ilinniassagaat:

- suleqatigiinneq aalajangeeqataasinnaanerlu,
- nammineersinnaassuseqarneq,
- nutaaliorsinnaassuseqarneq,
- isornartorsiuisinnaassuseqarneq,
- naleqqussarsinnaassuseqarneq nikerarsinnaassuseqarnerlu,
- eqqarsarsinnaassuseqarneq, soorlu tamakkiisumik ataqtigii sunillu isiginissinnaassuseqarneq,
- itisilerisinnaassuseqarneq,

- naliliineq imminullu nalilersuisinnaaneq
- il.il.

Suleriaatsip ilinniartitsisup atuartumik pitsaaneruseumik ilikkagaqarnissaanut periarfississavaa atuartullu atuagarsornikkut, inuttut inooqatigiinnikkullu ineriaartornera pillugit nalilersuinissaanut pitsaaneruseumik periarfississavaa. Suleriaaseq taakku saniatigut aamma ima sunniuteqassaaq:

- nalilersuineq atuartitsinerlu ataatsimoortinnejassapput,
- ilinniartitsisup nalilersuinissamut atugassaanik tigussaasunillu suliaqartoqassaaq,
- atuartunut ataasiakkaanut qisuarialeqarnissamut periarfissiisaaq,
- angajoqqaanut nalunaarusiornissamut uppermarsaatissanik katersisoqarsinnaalissaaq aamma
- anguniagassatut siunniussanut iliuusissatullu pilersaarusiornissamut periarfissiivoq.

Aalajangersimasumik sammisaqarluni suliaq, atuarerup ingerlanerani suliarineqartussaq saqqummiunneqartussarlu, atuartitsissutit akimorlugit ingerlannejassaaq taamaattumik atuartitsissutit atuartitsissutilluuniit qanitariissut arlallit ilikkagassatut anguniagassartaannut tunngasuussaaq. Atuartut ilinniartitsisullu pingaarerutillugu sammineqartussaq suleqatigiillutik aalajangiutissavaat, sammineqartoq atuartunut tamanut sammissallugu soqutiginarsinnaassaaq suliassanullu annikinnernut aggulunneqarsinnaassaaq. Eqimattakkaarluni sapinngisamik suliarineqassaaq, marlukkaarlunili imaluunniit kisimiilluni aamma suliarineqarsinnaavoq. Sammisamik suleriaassisianillu toqqaaneq sumiiffinnut naleqququtissaaq, atortussanik pissaqarniarneq ilinniartitsisullu atuarfimmi ilinniartitsisusut eqqarsaatigalugit. Taamaattumik pingaaruteqarpoq ilinniartitsisut sammisassamik toqqaaniarnermi immersuilluarnissaat, ilitsersuinissaat siunnersuinissaallu.

Klassip imaluunniit atuaqatigiaat ilinniartitsisuisa atuartut suleqatigalugit pingaarerutillugu sammineqartussaq ukiut tamaasa 1. februaari nallertinnagu aalajangiutissavaat. Atuartut ullunik atuarfiusunik tulleriinnik 3-5-inik paasisutissanik katersuinermut, sammisap suliarineranut, suliamik inaarsarneranut suliamillu tamakkiisup saqqummiunissaanut piareersarnerminnut atugassaannik periarfissinnejassapput. Atuartut suliaminnik naammassinninnerinut uiggiutiinnarlagu saqqummiussisoqassaaq, soorlu suliaqareenermi ullaat atuarfiusut tulliuttut aallartinneranni.

Aalajangersimasumik sammisaqarluni suliaq ilinniartitsisunit nalilersuiffigineqareersimassaaq kingusinnerpaamik saqqummiussinermiit sap. ak. marluk qaangiutsinnagit. Siuliani oqaatigineqareersutut nalunaarusiornermi ilassutaasumillu oqaaseqaasiornermi ingerlaavartumik naliliinermit misilitsinnermilu angusanut nalilersuineq ilanngunnejassaaq.

7. klassimi aalajangersimasumik sammisaqarluni suliaq marsimi-majimi ingerlannejassaaq.

Aalajangersimasumik sammisaqarluni suliaqarneq pillugu nalunaarummi aalajangersakkat ersarissumik allaaserineqarsimaneri pillugu (§ 29 – 35), uani uteqqiilluni allannissaat pisariaqanngilaq. Oqaatigineqassaarli, aalajangersakkani ukunani sinaakkutaasut iluanni atuarfiit aalajangersimasumik sammisaqarluni suliaqarnissaq namminneq pilersaarusiorsinnaammassuk qanorlu ingerlakkusunnerlagu aalajangersinnaammassuk, taamaalliluni atuartitsinerup ingerlannejarneranut naliliinermilu eqaattumik naliginnaasumillu ilaatinnejassaaq: Mortensen, B.: Projektlerineq. Ilinniusiorfik, Nuuk 2005.

## Allattariarsorluni misilitsinnerit

Atuarfimmi allattariarsorluni misilitsinnerit eqqunneqarnerisa siunertarivaa, Atuarfitsialaap naliliisarnermik kultuureqarnissamik siunniussaqarnera, nalilersuinerit formativiusut<sup>1</sup> atuarfinni namminerni atornerisigut kiisalu nalilersuinerit normativiusut<sup>2</sup> sanilliunneqarsinnaasullu atornerisigut. Atuarfimmi nammineq naliliinerni amerlanertigut inuup nammineq isummani malillugu naliliinissamut killiliussai nalilersuinerilu tunngaviungajuttarput, alloriarfinnili misilitsinnerit naliliinissamut killiliussat assigiissut kinaassusersiunngitsullu tunngavigalugit ingerlanneqartarlutik.

Atuartup ilikkariartornera atuartitsinermilu pissarsiai pillugit nalilinerit pingarnerpaat tassaapput, atuartup ilinniartitsisuni peqatigalugu nammineq ingerlaavartumik naliliineri. Tamakku ingerlanneqartassapput, atuartup ilinniartitsisullu, atuartup nammineq ilikkagassamitut ataatsimullu ilikkagassatut anguniagassanut naleqqiullugu killiffia pillugu malinnaasinnaaqqullugit. Ingerlaavartumik nalilinerit ilikkariartornermut taassumalu iluani pisunut missingissersuutaasut, allattariarsorluni misilitsinnerit ilikkagassatut anguniassatut siunniussat alloriarfimmut tulliuttumut ingerlariaqqinnginnermi qanoq qanorlu annertutigisumik anguneqarsimanerannut "uuttuutaassapput". Uuttuinerit taakku atuartunut ataasiakkaanut, atuaqtigiiaanut, alloriarfimmut imaluunniit atuarfimmut tamarmut siunissamut suut pingaarnertut suliniutigineqassanersut pilersaarusiornernannut tikkuussissutitut atorneqarsinnaapput. Alloriarfimmi misitsinnerit, oqaatigineqareersutut pingaarnertut tamakkiisumik nalilersuinissamut atuuttussat, siunertarivaat:

1. atuartut ataasiakkaat ilikkariartornerannut ineriarngerannullu tapersersuutaanissaat,
2. ilinniartitsisut naleqqunnerusumik siunertaqarnerusumillu atuartitsinissamut pilersaarusiornerninni tapertassaattut, taamaallutik atuartut ataasiakkaat pisinnaariigaat pisariaqartitaallu pilersaarusiornerninni atuartitsinermillu eqqarsaatiginerussammatigit,
3. atuarfiit pilersaarusiornissaminut, ilinniartitsisunik agguassassinissaminut inerisagassatullu pisariaqartunut siunniussaminut aaqqissuussinissaminut nalilersuinissamut sakkussaqartinnissaat, kiisalu
4. sumiiffinni ataasiakkaani qitiusumiillu siunissami ilisimatusarnissamut inerisaanissamullu atugassanik tutsuiginartunik sanilliunneqarsinnaasunillu paassisutissanik katersaqarnissap periarfissinnissaa. (soorlu ilikkagassatut anguniagassat iluarsartuuteqqinnejarnissaannut, pikkorissartitsinissamut pilersaarusiornermi, inerisagassatut takorluukkanik pingaarnersiuinissamut il.il.tunngatillugu)

Misilitakkat takutittarpaat, atuartut amerlasuut atuarfimmi ukiuni arlaqartuni atuaraluarlutik, oqaatsitigut, matematikkimi il.il. tunngaviusumik ilikkagassat ilikkangittoortaraat. Allattariarsorluni misilitsinnerit taamaattumik aamma siunertarivaat, atuarfiit atuartut ilikkarniarnikkut ajornartorsiutillit atuarmeranni siusissukkut "paasiniassammatigit", atuartullu immikkut tapersorsorneqarnissamut ikiorneqarnissamullu pisariaqartitsisut ikiornerneqarnissaannut suliniartoqarniassamat. Misilitakkat aamma takutittarpaat, siusissukkut atuarniarnermut,

<sup>1</sup> Nalilersuinerit formativiusut tassaapput, ingerlaavartumik naliliinermi tunngavilersuinerit, imarisaa periusissallu ilinniartitsisunit (amma atuartunit) aalajangersarneqartut

<sup>2</sup> Nalilersuinerit normativiusut tassaapput, qitiusumit naatsorsuutigisat piumasaqaatillu tunngavigalugit aalajangersarneqartut. Killissat naatsorsueqqissaarnermi naatsorsueriaatsit tunngavigalugit aalajangersarneqartarput. (normalfordeling)

allanniarnermut matematikkimilu ajornartorsiuteqalereersut kingusinnerusumi atuagarsornikkut inuttullu ineriertornissamut ajornartorsiortartut.

Militsinnerit soraarummeernerunngillat imaluunnit inaarutaasumik misilitsinerunngillat, angusinngitsoorfigineqarsinnaasut imaluunniit angusiffiusinnaasut. Misilitsinnerit pingaartumik atuartup atuarnerata ilikkariartorneratalu pilersaarusiornissaanut sakkussatut isigineqassapput. Assersuutigalugu paasineqarpat, atuartoq atuaqatiminuit piginnaasakinnerusoq, pingaaruteqarpoq atuartup ilikkariartornissa ineriertornissaaluu pillugit isumaliuteqalernissaq – suliniutissanik aaqqissuussaasunik atuartup maanna ineriertornikkut killifianit naammaginartumut ineriertorteqqinnissaa siunertalaralugu pilersaarusiornissamut. Tassunga tunngatillugu pingaaruteqarpoq atuartut angajoqqaallu, misilitsinnerit atuartut piginnaassusaannik il.il. nalilersuinernngitsut nassuaatissallugit, kisiannili siunissami atuartisinissami qanoq suullu atuartitsissutigineqassanersut paasiniarlugit misissuinerusut.

Atuartitsissutini ataasiakkaani alloriarfinni misilitsissutit ilikkagassatut anguniagassani piumasaqaatit naatsorsuutigisallu tunngavigalugit suliaapput. Suliassat maani nunatsinni avataaniillu atuartitsinermut, misilitsissutinik suliaqarnermut, perorsaanermut naliliinermullu ilisimasaqarluartunit suliaapput. Ersarissumilli oqaatigineqassaaq, misilitsissutit ilikkagassatut anguniagassat ikittuinnaat tunngavigalugit "uuttuimmata" taamaattumillu atuartup ilikkariartornera pillugu tamakkiisumik imaluunniit ilivitsumik naliliiniutitut atorsinnaanatik. Misilitsinnerit ilikkagassatut anguniagassani qitiusut uuttortarnissaat siunnerfigivaat. Misilitsinnerit ilinniartitsisup ingerlaavartumik naliliineranik, atuartut nammineq suliaminnik saqqummiussinerannik aalajangersimasumillu sammisaqarlutik suliaannik ilallugit taamaattumik ataatsimut atuartup ilikkagassatut anguniagassanut naleqqiullugu atuarnermini pissarsiaanik sukumiisumik naliliinerupput, nalunaarusiakkut ilassutaasumillu oqaaseqaasiornikkut saqqummiunneqartut, taakkulu atuartup iliuusissatut pilersaarusiornermi ilinniartitsisullu atuartitsinissaminut pilersaarusiornermi sakkussarai.

Nalilersuinissaq assigiissaaqqullugu misilitsinnerit multiple choise atorlugu ilusilerneqassapput – tassa imaappoq, apeqqutit aalajangersimasunik akissutissartaqartassapput. Tassunga tunngatillugu Inerisaavik qarasaasiaq atorlugu immersuinissamut, nalunaarusiornissamut, nalunaaruteqarnissamut kisisisitigullu misissueqqissaarnissamut atugassamik inerisaavoq. Qarasaasiami programmip qulakkiissavaa, atuartut misilitsereerniariartut misilitsinnerminni angusaannik ingerlaannartumik paasitittarnissaat. Qarasaasiami programmip aamma qulakkiissavaa, angusat Inerisaaviup paassisutissanik katersuvianut misissoqqissaarnissaat kisitseqqissaarnikkullu suliareqqinnissaannut ingerlaannartumik nassiunneqarnissaat.

### **Alloriarfinni misilitsinerit ingerlanneqarnissaat**

- 3. klassimi atuartut allattariarsorlutik kalaallisoornermi, qallunaatoornermi matematikkimilu misilitsissapput.
- 7. klassimi atuartut allattariarsorlutik kalaallisoornermi qallunaatoornermi, tuluttoornermi matematikkimilu misilitsissapput.
- KIIIN-i ukiut tamaasa atuartut atuartitsissutit siuliani taaneqartut ilaanni ataatsimi misilitsissanngitsut aaliangiisinjaavoq.

- KIIIN-i ukiut tamaasa atuartut nukarliit akulliillu alloriarfiiniittut atuartitsissutit ukua ilaannik ataatsimik misilitsissanersut aaliangiisinnavaoq: inuiaqtigiielerinermi, upperisalerinermi isumalioqqissaarnermilu, pinngortitalerinermi imaluunniit inuttut inerikkartornermi.
- KIIIN sinnerlugu Inerisaavik ukiut tamaasa 1. decembari nallertinnagu nukarliit akulliillu alloriarfiini allattariarsorluni misilitsitsinissat pillugit nalunaaruteqartassaaq. Nalunaarummi uku pineqartassapput:
  - atuartut atuartitsissutini ukunani ataatsimi inuiaqtigiielerinermi, upperisalerinermi isumalioqqissaarnermilu, pinngortitalerinermi imaluunniit inuttut inerikkartornermi allattariarsorlutik misilitsissanersut,
  - atuartut nukarliit akulliillu alloriarfiini kalaallisoornermi, qallunaatoornermi matematikkimilu misilitsissanersut aamma akulliit alloriarfianni tuluttoornermi misilitsissanersut,
  - ikiuit nalinginnaasut immikkullu ittut suut misilitsinnermi atorneqassanersut aamma
  - qaqugu qanorlu sivisutigisumik misilitsinnerit ingerlanneqassanersut.
- Qulaani oqaatigineqareersutut misilitsinnermit inernerit qarasaasiaq atorlugu Inerisaavimmuit nassiunneqassapput.
- KIIIN sinnerlugu Inerisaaviup misilitsinnerup ingerlanneqarnissaanut nalilersuinissamullu malittarisassat ersarinnerusut aalajangersassavai.

Allattariarsorluni misilitsinnerit 3. aamma 7. klassini marsi-majimi ingerlanneqassapput. Inerisaaviup ukiut tamaasa 1. decembari nallertinnagu misilitsinnerit piffissap suup iluani ingerlanneqassanersut nalunaarutigisassavaa. Ullut sorliit misilitsiffiussanersut atuarfiit naamminneq aalajangertassavaat, misilitsinnerit ulluinnarni atuartitsinermi atuartitsissutini misilitsiffiusuni atuartitsinerit nalinginnaasut atorlugit ingerlanneqarsinnaaqquullugit.

### ***Allattariarsorluni misilitsinnginnissamut maleruagassat il.il.***

Atuarfiit eqqumaffigissavaat, atuartut immikkut ittumik atuartitaasut, naammattusaammik atuartitaasut, kiisalu atuartut nunanit allanit Kalaallit Nunaannut nuuttut, allattariarsorluni misilitsinnissamut, aalajangersimasumik sammisaqarluni suliaqarnissamut imaluunniit nammineq suliamik saqqummiussinssamut peqataannginnissaat aalajangersinnaagamikku. Peqataannginnissamut aalajangiinissaq atuartup angajoqqaavi oqaloqatigeqqaarlugit pisassaaq (takuuk: §§ 24 aamma 25). Peqataannginnissamut periarfissaqarnerup qulakkiissavaa, atuartut piviusorsiuungitsumik misilitsinnginnissaat, peqataannginnissamulli aalajangersakkat aamma ima ingerlanneqartassapput, atuartut ataasiakkaat pillugit nalilersueqqissaqqarnerit tunngavineqartassallutik.

### ***Napparsimaneq il.il.***

Aammattaaq atuarfiit eqqummaariffigissavaat napparsimaneq, inortuineq imaluunniit allat peqqutigalugit misilitsinngitsoornerit, nammineq sulianik saqqummiussinngitsoornerit aalajangersimasumillu sammisaqarluni suliaqanngitsoornerit pillugit aalajangersakkat. Aalajangiunneqartorlu tassaavoq, atuartut atuarneq naamassitinnagu piffissami kingusinnerusumi aamma nalunaarutit il.il suliarinnginerini misilitsissasut namminnerlu suliaminnik saqqummiussissallutik. (tak. §§ 37 – 41).

§ 38-mi allaqqavoq, atuartoq allattariarsorluni misilitsinnissamut inortuippat, atuarfiup pisortaata piumasaqaatit allaqqasut malillugit akuerisinnaagaa. Tassani ersersinniarneqarpoq, atuarfiup pisortaa akisussaasuunerpasoq, akorngutissaqangilarli atuarfiup pisortaata piginnaatitaaffik ilinniartitsisumut misilitsisumut tunnissinnaagaa, aaliangiineq atuartup atuarfimmut apuunnerani pisussaammat. Atuarfiup pisortaata akulerunneqarneratigut kinguarsaataasinnaasut akornutaasinnaasullu atuartup inortuisup atuaqataasullu misilitsinnissaat akorngusersulersinnaavaat. Aalajangiinissamut pisinnaatitaaffik ilinniartitsisumut tunniunniaruniuk, atuarfiup pisortaata pisumi taama ittumi maleruagassat siumut ersarilluinnartunik nalunaarutigereersimassavai. Atuarfiup aqutsisuisa ilaat misilitsinerit ingerlanneqarnerini pisariaqartitsisoqartillugu attavigineqarsinnaajaannassapput.

### ***Saniatigut nalunaarut: Paasissutissanik katersineq***

Atuarfiit, atuartitsineq atuartullu pillugit paasisimasagut annertusarniarlugit, Inerisaavik qarasaasiaq atorlugu paasissutissanik katersuivimmik inerisaanikuvoq, maannalu aallaqqaaammut meeqqat atuarfianni inaarutaasumik misilitsinsinerit inernerri katersuivimmut katersorneqarnikuupput. Alloriarneq tullinnguuttoq tassaavoq, alloriarfinni misilitsinnerit inernerrik katersuivimmik sananissaq, aallaqqaaammut katersat avataaniit kukkunersiorneqarnissaat siunertalarugu kingusinnerusukkullu katersat atuarfik pillugu misissueqqissaarnerni ilisimatusarnernilu tunngaviulernissaat eqqarsaatigalugu. Suli kingusinnerusukkut aamma pilersaarutaavoq, Tabulex atorlugu atuarfiit pillugit paasissutissat pigineqartut qarasaasiament katersuivimmit aamma katersorneqartalernissaat.

### ***Pilersaarusiornermut atuartitsinermullu kingunissai***

Naliliineq pillugu nalunaarutip allanngortinneqarnerata kinguneranik, atuarfiit ukiumut atuarfiusumut pilersaarutiminnut ilannguttariaqagaat ukuupput:

- Atuarfiit atuartut 3. klassimiittut nammineq suliaminnik saqqummiussinissaannut periusissat piffissallu suut atorneqassanersut aalajangersartariaqarpaat. Pilersaarutit atuartunut piffissani pineqartuni napparsimanertik imaluunnit allat peqqutigalugit peqataasinnaanngitsunut periusissanik piffisanillu allanik periarfissaqartitsissapput.
- Atuarfiit atuartut 7. klassimiittut aalajangersimasumik sammisaqarlutik suliaqarnissaannut saqqummiusinissaannullu periusissat piffissallu suut atorneqassanersut aalajagersartariaqarpaat. Pilersaarutit atuartunut piffissani pineqartuni napparsimanertik imaluunniit allat peqqutigalugit peqataasinnaanngitsunut periusissanik piffisanillu allanik periarfissaqartitsissapput.
- 7. klassimi atuartut 1. februaari nallertinnagu aalajangersimasumik sammisaqarlutik suliaqarnissaminni qulequttatut pingaarnertut sammerusutartik aalajangiutereersimassavaat.
- KIIN-ip allattariarsorluni misilitsinnissat annertussusissaat piffissaliussallu naalunaarutigereerpagit, atuarfiit misilitsinnissanut ataasiakkaanut piffissaliinissat aalajangersassavaat. Pilersaarummi atuartunut napparsimanertik imaluunniit allat peqqutigalugit peqataasinnaanngitsunut piffisanik allanik periarfissaliussanik ilanngussisoqarsimassaaq

## **Naggasiut**

Atuarfimmi naliliineq marloqiusamik siunertaqartuarnikuovoq: Atuartoq imminut ilikkariartornerminilu piginnaasani pillugit ilinniagaqassasoq, aamma ilinniartitsisoq naliliiniarnerit siunertaqartut aqqutigalugit imminut namminerlu atuartitseriaatsiminik, periutsiminik il.il. ilinniagaqassasoq. Taakkunani marlunni pineqarpoq, maanna sumut killissimaneq, siunissami sumut ingerlaniarneq aammalu qanoq anguniagassat anguniarneqassanersut. Maanna suliatta kingumut qiviarluta pitsaassusaat naliliiffigisinnaagaangatsigu ineriartorneq pisarpoq tassanngaannillu nutaanik unamminartunik siumullu isiginnittunik uatsinnut sammisatsinnullu piumasaqarfigisinnaalersarpugut.

Inuit tamarmik immikkullarissuupput – tamarmillu immikkut pineqartariaqarput. Atuarfitsalaallu atuartoq qitiutillugu atuartitsinissaq siunniussarivaa, atuartullu ataasiakkaat ilikkariartornerat atuartitsinermi pilersaarusrornermut, atuartitsinermut, naliliinermut atuarfiup angajoqqaallu attaveqaqtigiinnerannut il.il. qitiulluinnarnissaa pingartinneqararluni. Pitsaasumik atuartitsineq tassaavoq attaqqeitatigiinneq, akisussaassuseqarneq, alaatsinaassuseqarneq ineriartornissamullu piumassuseqarneq aamma atuarfiup qullersaasa, ilinniartitsisut atuartullu kiisalu angajoqqaat allangorusussuseqarneranniippoq.

Nalunaarutip uuma siunertarivaa siumut isiginnittumik nalilersuinerit naliliinerillu, atuartunut ilinniartitsisunullu tamanut atuartitsinermik naleqarnerulersitsisut soqutiginarnerulersitsisullu. Atuartitsinermik pitsaasumik takorluukkat, atuartut tamarmik soqutiginartumik unamminartumillu atuartitaanissaannik qulakkeerinnettut taamaalillunilu atuartunik piginnaasaqarnerulersitsisut pikkorinnerulersitsisullu, imatut eqikkarneqarsinnaapput:

- Ilinniartitsisut atuartullu sorianik imaluunniit ajornartorsiutinik piviusunik suleqatigiittut.
- Sammisqarnerni tamani oqaatsit ilaatinneqartarput, ilinniartitsisut atuartitsissutini tamani atuartut oqaatsitigut atuinerannik, atuarsinnaanerannik, allassinnaanerannik – aamma matematikkimi, pinngortitalerinermi, inuiaqtigiielerinermi sumiiffimmilu toqqagassani kattullugit inerisaaffigisaat.
- Ilikkagassatut anguniagassat suliniutinik isumalinnik, atuartut ilaqtariinnerminni avatangiisiminnilu tunngassuteqartunut attaveqartitaannik, suliaqarluni anguneqartarput.
- Ilinniartitsisut atuartut itisuumik eqqarsarsinnaanissaannik unammeruaagaqartissavaat taamaalillutik ulluinnarni inuunerminni naapitatik piviusut saperunnaarniassamatigit.
- Ilinniartitsisoq atuartorlu oqaloqatigiittassapput: oqaloqatigiinneq illuinnaaneersuunani illua-tungeriinnerussaaq.
- Suleriaatsit assigiinngitsut ataatsikkut neqeroorutigineqartuaannassapput (kisiimilluni sulineq, eqimattani sulineq, sungiusarnerit aamma misileraanerit, "sanileriilluni imminut ilinniarteqatigiinneq", ilinniartitsisup – atuartup suleqatigiinnerat il.il.)
- Atuartut suleqatigiinneri aaqqissuussaalluagaassapput, atuartut taamaalillutik tamarmik suleqatigiissimaneq misilinniassammassuk. Atuartut tamarmik atuaqatigiit ataatsimut pingartitaat pillugit suleqatigiissapput taamaalillutik nammineq imminnut naalakkersorsinnaanertik, ikiusinnaassuseqarneq, ataqqeitatigiinneq namminerlu ilinniarnerminnun akisussaaqataanertik ilinniassavaat.
- Atuartut namminneq ilinniarnertik inuttullu/inooqatigiinnikkut ineriartornertik pillugit aalajangiussanut tamanut peqataatinneqartassapput.

Inerisaaviup neriuutigivaa, nalunaarut atuartitseriaatsinut anguniakkanullu taamaattunut tapersersuutaajumaartoq.

Angusakkami arkit maanna peqqusummut naleqqussarlugit nutarterneqarput.

Ilitsersuut, Angusakka najoqqtassiallu oqaatigineqartut Inerisaavik attavigalugu piniarneqarsinnaapput imaluunniit Inerisaaviup nittartagaanit uannga aaneqarsinnaapput:  
[www.angusakka.gl](http://www.angusakka.gl)